

212

Johannes Dei gratia Episcopus Ecclesie
Orkaden. Ecclesie Caminensis in Pontifi-
calibus Vicarius. Recognoscimus in his copiis
nostris omnibus vere penitentibus contritis
et confessis si ad Capellam parvulam in
civitate Colbergensi apud Chorum Ecclesie
Colbergensis Caminensis Dioceseos in hono-
rem Beatae Mariae Virginis edificatam et in-
festis infrascriptis videlicet Pasche Ascensio-
nis Pentecostes Trinitatis Corporis Christi
Nativitatis Domini Circumcisionis et Epipha-
nie Domini in diebus palmarum Cene Para-
scaves Rogationum in diebus Sancte Crucis
in omnibus festivitibus Beatae Mariae
Virginis in Nativitate et Decollatione San-
cti Joannis Baptistae, in die Sancti Lau-
rentij Martyris Omnium Sanctorum in die
omnium animarum in die Patrum et dedi-
cationis Ecclesie Colbergensis indictae et
in Octavis festivitatum octavas habentium
causa Devotionis accesserint, ut qui ad Cimi-
tenium Dicitae Ecclesie et Capelle orando ibi
idem pro fidelibus defunctis circumierint ut
qui ad fabricam luminaria aut alia orna-
menta Dicitae Capelle et Ecclesie manus
porrexerint adjuvices, aut qui in extremis la-
borantes quidquam suarum legaverint faculta-
tum quicumque aut quotiescunque aliquid
premissorum fuerint De omnipotentis Dei
misericordia et Beatorum Petri et Pauli Apo-
stolorum eorum mentis et auctoritate confisi.

ae speciali indulgentia sanctissimi in Chri-
sto Patris ac Domini Domini Urbani Di-
vina providentia Pope Sexti quadraginta
Dies. criminalium Annuum Venialium et
unam Karenam De injunctis sibi peni-
tentiis misericorditer in Domino relaxa-
mus. Datum Colberg Anno Domini Mille-
simo Trecentesimo Nonagesimo Nono. Decimo
Septimo Die Mensis Aprilis. nostro sub
sigillo presentibus appenso in testimonium
premissorum.